

Urbes.

Accessit tandem & comitatus Catzen-Elnbogen, idque per Filiam ultimi Comitis, quam duxit Henricus Landgravius. Genealogiam Landgraviorum Hassiæ apud Munsterum habes. Sunt porro in Hassia præter alia minorum gentium Opida, Urbes duæ præcipuæ, *Marpurgum*, & *Cassula*. *Marpurgum* *Amasia* Ptolemæo, qui eandem *Amisiam* vocat lib. VIII, Geog. ut censet Franciscus Iren. & Appianus, vulgo *Marpurg* Hassiæ Metropolis. Hanc alij a Marte quasi *Martis-purgum*; alij a Marcomiro Francorum Principe sic nominatam volunt. Civitatem hanc olim villam fuisse Historiæ produnt. Eam Lona Fluvius insignis præterfuit. Urbs est Sede Principis, Schola illustri, condita anno Christi 1010xxvi a Ludovico Episcopo Monasteriensi, nobilis. Ioanne Oldendorpio, clarissimo omnium inter Iureconsultos Germaniæ: Ioanne item Dragonite, & Andrea Hiperio Theologis celeberrimis clara. *Cassula*, præcipuarum Hassiæ Civitatum altera, dicta quasi Castellum, Ptolemæo *Stereonitum* esse creditur: olim tantum Arcem hic exstitisse perhibent. Civitas *Fulda*, *Ana* & *Trusula* fluminibus irrigua, aquis autem instructa, agrum fœcundum atque compascuum habet, & arva nutriendis pecoribus apta. Vnde in vellerum lanæque venditione, Civium potissimum negotiatio consistit. Haud procul Marpurgum est *Franckenberga*, vel *Francoburgum*, Opidum perelegans, situ ameno & antiquitate commendatum, ad fluviū *Ederam* situm: nomen desumpsit a Francis, qui ibi castra metati sunt contra Saxones. Anno Christi 10xx primum extrui cœptum a rege Theodorico; postea anno 10ccxiii a Carolo Magno auctum. Sunt & alia: *Eschvvege* colli imposita: læta agri fœcunditate gaudens Opidum, *Werra* fluvij aquis irrigatur: cuius oportuno vlu, *Isatis* herba, *Glastum* *Plinio*, & ex eadem confecta tinctura, quam Thuringicum solum, frequenti fœnore suppeditat, primo supra hoc Opidum lapide, cimbis imposita, Mindam usque: inde Visurgi aquis, quæ *Werram* absorbent, *Bremam*, & per totam *Ostlandiam* defertur. De primo *Eschvvege* initio nihil, quod sciam, Historiarum monumentis comprehensum reperitur, eò, quod Hungaricis bellis atque incendijs, tertium depasta, deformataque fuerit. *Francoburgicum* tamen Chronicum, dum Carolum Magnum circa annum 10ccxcv Episcopatus varios instituisse, Monasteria & Ecclesias, multis in Opidis, fundasse commemorat, meminit & *Cauffinge* nō procul a *Cassela*: & *Eschvvege*, ab eodem tum temporis excitate. Præclara etiam exstant Henrici Imperatoris I I erga hoc Opidum merita, qui id ipsum Hungaricis incursionibus devastatum atq; collapsum, restituit, novis ædificijs auxit, & locupletavit. Gravissimis rursus calamitatib. afflictum fuit, anno 10ccclxxxvi I eo bello quod inter Adolphum Moguntinum Archipræsulem, & Hassiæ Landgravium acre desæviit, quando etiam ad Hassiæ gubernationē pervenit. *Frislaria* insigne quoq; ac præstans Hassiæ Opidū, vulgo *Fritzlar*, latine doctrina pacis, ut puta ubi veræ & perpetuæ pacis doctrina S. Bonifacii auspicijs, toti Hassiæ Thuringiæ, Franconiæ, & Frisiæ innotuit: Egræ fluvij propinquitate, & situ admodū amœno, sicuti universa passim Hassia, præcellit: Muris circumcinctū turigeris, sitū inæqualē, sicuti & regio ipsa, hinc inde montosa, obtinet: agro tamen lauto, Frumenti, Leguminū & Fructuum feracissimo, etiam Vini, cuius tamen fertilitate non est hæc regio admodum præstans. Et quamvis in ipsa Hassia, *Frislaria* se conspiciendam præbeat, ad Moguntinum tamen Archiepiscopum pertinet, unde